



Møtebok for Kommunestyret

Møtedato: 31.10.2018
Møtestad: Kommunestyresalen
Møtetid: 15.00 - 18.05

Møtet vart styrt av ordførar Øyvind H. Oddekalv, AP.

Medlemmene var innkalla i skriv dat. 23.10.18 og møtet var kunngjort i pressa 10.10.18.

Før møtet vart sett orienterte adm.dir. Kjerstin Fyllingen og klinikkdirktør Åse Nordstrønen frå Haraldsplass Diakonale Sykehus om Nye Haraldsplass og sjukehuset sin utviklingsplan for 2018 - 2035.

Ved opprop var 24 medlemmer til stades møtande varafolk medrekna.
Øystein Blom fekk permisjon frå kl. 16.10 og tok ikkje del i handsaming av sakene.
Tormod Skurtveit fekk permisjon frå kl. 17.20.
Torstein Flatøy fekk permisjon frå kl. 18.00.

Av 27 medlemmer var 24 til stades ved handsaming av sak 60/18 – 66/18.
Av 27 medlemmer var 23 til stades ved handsaming av sak 67/18 og 68/18.

Kommunestyret hadde pause frå kl. 16.10 - 16.20 og frå kl. 17.20 - 17.30.

Det var ikkje kome inn spørsmål til spørjetimen.

I starten av møtet framførte ei gruppe frå Meland kulturskule ein dans.

Møtedeltakarar	Parti	Rolle
Øyvind H. Oddekalv	AP	Ordførar
Anne Grete Eide	AP	Medlem
Erling Rønnestad	KRF	Medlem
Tormod Skurtveit	AP	Medlem
Kjersti Vikebø Nesse	AP	Medlem
Asbjørn Larsen	AP	Medlem
Åse Nina Sudmann	AP	Medlem
Øystein Berland Blom	H	Medlem
Mabel Johansen	H	Medlem
Thomas H. Wallem	H	Medlem
Fredrik Seliussen	H	Medlem
Sigmund Larsen	FrP	Medlem
Sølvi Norunn Knudsen	SP	Medlem
Rune Lekven Skår	SP	Medlem

Marit Samnøy Jøssang	KRF	Medlem
Silje Ingelin Sæterstøl	V	Medlem
Beate Seveline Eknes	Uavh	Medlem
Leif Johnsen	MDG	Medlem
Morten Klementsén	BF	Medlem
Astrid Anne Fjeldstad	SP	Medlem
Åshild Aamli	MDG	Medlem
Are Nygård	AP	Varamedlem
Dag Erik Hagesæter	FrP	Varamedlem
Tor Oscar Maaseide	FrP	Varamedlem
Torstein Flatøy	KRF	Varamedlem

Forfall meldt frå følgjande medl.	Parti
Henriette Fennelly	FrP
Nils Marton Aadland	H
Stian Lavik	KRF
Tom Inge Karlsen	AP
Ørjan Evald Kristiansen	Uavh
Øyvind Bratshaug	FrP

Desse møtte frå administrasjonen: Rådmann Martin W. Kulild, personal- og organisasjonssjef Kari Anne Iversen og økonomisjef Per Inge Olsen.

Protokollfører: Randi Hilland

2. november

Øyvind H. Oddekav
ordfører

Randi Hilland
konsulent

Sakliste

Saknr	Tittel
60/2018	Godkjenning av innkalling og sakliste
61/2018	Godkjenning av møtebok
62/2018	Referatsaker
63/2018	Orientering om status Alver kommune
64/2018	Økonomisk rapportering 2. tertial 2018
65/2018	MOT sitt program "Robust ungdom"
66/2018	Fritak frå politiske verv
67/2018	Interpellasjon - Dagaktivitetstilbod til heimebuande personar med demens
68/2018	Interpellasjon - Tolga-saken

Sakspapir

Saksbehandlar	Arkiv	ArkivsakID
Randi Helene Hilland		18/2246

Saksnr	Utvalg	Type	Dato
60/2018	Kommunestyret	PS	31.10.2018

Godkjenning av innkalling og sakliste

Saksopplysningar:

Framlegg til vedtak:

Innkalling og sakliste vert godkjent.

Kommunestyret - 60/2018

KS - behandling:

Ordførar opplyste om at det er sendt ut 1 tilleggssak og 2 interpellasjonar. I tillegg er det sendt ut eit grunngjeve spørsmål som ordførar vil svare på i slutten av møtet.

KS - samrøystes vedtak:

Innkalling og sakliste med tilleggssak og interpellasjonar vert godkjent.

Sakspapir

Saksbehandlar	Arkiv	ArkivsakID
Randi Helene Hilland		18/2246

Saksnr	Utvalg	Type	Dato
61/2018	Kommunestyret	PS	31.10.2018

Godkjenning av møteprotokoll

Vedlegg:

Protokoll - Kommunestyret - 12.09.2018

Saksopplysningar:

Framlegg til vedtak:

Møteprotokoll frå møte 12.09.18 vert godkjent.

Kommunestyret - 61/2018

KS - behandling:

KS - samrøystes vedtak:

Møteprotokoll frå møte 12.09.18 vert godkjent.

Sakspapir

Saksbehandlar	Arkiv	ArkivsakID
Randi Helene Hilland		18/2246

Saksnr	Utvalg	Type	Dato
62/2018	Kommunestyret	PS	31.10.2018

Referatsaker

Underliggende saker:

Saksnummer	Tittel
62/2018.1	Meland kontrollutval - Møteutskrift frå møte 20.09 2018

Saksopplysningar:

Framlegg til vedtak:

Meldinga vert teken til orientering.

Kommunestyret - 62/2018

KS - behandling:

KS - samrøystes vedtak:

Meldinga vert teken til orientering.

Sakspapir

Saksbehandlar	Arkiv	ArkivsakID
Martin W. Kulild		18/2246

Saksnr	Utvalg	Type	Dato
63/2018	Kommunestyret	PS	31.10.2018

Orientering om status Alver kommune

Saksopplysningar:

Framlegg til vedtak:

Orienteringane vert tekne til vitande.

Kommunestyret - 63/2018

KS - behandling:

Orførar orienterte om statusrapport og planar for neste år:

- Val av revisjonsordning og val av revisor
- Beredskapsarbeid
- Gjennomgang av selskapsstruktur, eigarskap
- Offentleg tannhelse
- IKT og arkiv
- Politisk utvalsstruktur, regelement, godtgjersle
- Kontoravklaringar
- Budsjett og økonomiplan for Alver
 - Eigedomsskatt, investeringar i kommunen
- Korleis involvere interessentar
 - Råd og utval, lag og organisasjonar
 - næringsliv, innbyggjarar

KS - samrøystes vedtak:

Orienteringane vert tekne til vitande.

Sakspapir

Saksbehandlar	Arkiv	ArkivsakID
Per Inge Olsen	FE - 210	18/2390

Saksnr	Utvalg	Type	Dato
90/2018	Formannskapet	PS	17.10.2018
64/2018	Kommunestyret	PS	31.10.2018

Økonomisk rapportering 2. tertial 2018

Vedlegg:

Tertialrapport Meland 2 tertial 2018

Saksopplysningar:

Bakgrunn

Vedlagt følgjer rapport per 2. tertial 2018 med økonomisk og finansiell status, samt diverse nøkkeltal per 31.08.2018.

Rapporten har følgjande hovuddeler:

1. Status drift per tenestoområde med framlegg til budsjettjustering
2. Status investeringsprosjekt
3. Framlegg til budsjettendringar investeringsprosjekt
4. Finansrapporten som finansreglementet krev at vi skal legge fram kvart tertial.
5. Diverse ikkje-økonomiske nøkkeltal

Vurdering

Per 31.08.2018 viser driftsrapport md prognose at vi ventar relativt stort meirforbruk for året på barnevern, på sjukeheimen og på heimetenestene. På nokre andre tenester er det og venta meirforbruk, men med mindre beløp. Totalt gjer rådmannen framlegg om å auke ramma til fordeling på tenestoområda i budsjettet for 2018 med kr 5,95 mill.

Rådmannen foreslår å finansiere denne auken med inntekter frå Havbruksfondet, venta å bli kr 2,8 mill., samt kr 3,15 mill. i forventa auke i inntekter frå skatt og rammetilskot. Regjeringa oppdaterte i statsbudsjettet for 2019 som vart lagt fram 8. oktober anslaget for skatteveksten frå 2017 til 2018 til å bli 2,4%. Tidlegare anslag var på 1,0%. Dette gjer at vi i Meland kan legge til grunn høgare inntekter frå skatteutjamningsordninga og truleg ein mindre auke i skatteinntekter enn budsjettert.

Investeringsrapport per 2. tertial viser at det er påløpt kr 44,3 mill av totalt investeringsbudsjett på kr 165,5 mill. for 2018. Ingen prosjekt har vesentleg meirforbruk samanlikna med budsjett.

På ein del investeringsprosjekt er ikkje framdriften slik den var planlagt i budsjettet, og rådmannen gjer endring om å redusere investeringsbudsjettet med i alt kr 16,5 mill ved å forskyve løyvinga til 2019. Summen vil bli lagt inn i budsjettframlegget for 2019. På eitt prosjekt (789 – Ny driftsstasjon) er framdriften større enn planlagt, og rådmannen gjer framlegg om auke budsjettet for 2018 med kr 5,0 mill, men då slik at ein vil ta ned budsjettet med tilsvarende i framlegget til budsjett for 2019.

Finansdelen i tertialrapporten viser at finans- og gjeldsforvaltninga til kommunen er innanfor gjeldande finansreglement.

Sjå elles vedlegget for status på ulike nøkkeltal i den vedlagte tertialrapporten.

Oppsummering av framlegg til budsjettendringar:

Driftsrekneskapen:

1. Auke i inntekter frå Havbruksfondet kr 2,8 mill
2. Auke i inntekter frå skatt og skatteutjamning kr 3,15 mill
3. Auke utgiftsramma til tenestoområda delegert til rådmannen å fordele: kr 5.95 mill.

Investeringsrekneskapen:

4. Auke i investeringsprosjekt 789 Ny driftsstasjon:
Flytting av midlar frå 2019 til 2018, samla kr 5.000.000,-.
5. Reduksjon i investeringsprosjekt nr 259, 261, 579, 556, og 656 grunna forseinka framdrift tilsaman kr 21.475.000. Sjå vedlegg for spesifikasjon per prosjekt.
6. Endring i finansiering slik:
Reduksjon i bruk av lån kr 13.730.000,-
Reduksjon i mva-refusjon kr 2.745.000,-

Framlegg til vedtak:

Kommunestyret tek økonomisk rapport per 2. tertial 2018 til orientering.

Kommunestyret vedtek følgjande endringar i budsjettet for 2018 slik:

Driftsrekneskapen:

1. Auke i inntekter frå Havbruksfondet kr 2,8 mill.
2. Auke i inntekter frå skatt og skatteutjamning kr 3,15 mill.
3. Auke utgiftsramma til tenestoområda delegert til rådmannen å fordele: kr 5.95 mill.

Investeringsrekneskapen:

4. Auke i investeringsprosjekt 789 Ny driftsstasjon:
Flytting av midlar frå 2019 til 2018, samla kr 5.000.000,-.
5. Reduksjon i investeringsprosjekt nr 259, 261, 579, 556, og 656 grunna forseinka framdrift tilsaman kr 21.475.000. Sjå vedlegg for spesifikasjon per prosjekt.
6. Endring i finansiering slik:
Reduksjon i bruk av lån kr 13.730.000,-
Reduksjon i mva-refusjon kr 2.745.000,-

Formannskapet - 90/2018

FS - behandling:

Økonomisjef Per Inge Olsen orienterte.

FS – samrøystes framlegg til vedtak:

Kommunestyret tek økonomisk rapport per 2. tertial 2018 til orientering.

Kommunestyret vedtek følgjande endringar i budsjettet for 2018 slik:

Driftsrekneskapen:

1. Auke i inntekter frå Havbruksfondet kr 2,8 mill.
2. Auke i inntekter frå skatt og skatteutjamning kr 3,15 mill.
3. Auke utgiftsramma til tenestoområda delegert til rådmannen å fordele: kr 5.95 mill.

Investeringsrekneskapen:

4. Auke i investeringsprosjekt 789 Ny driftsstasjon:
Flytting av midlar frå 2019 til 2018, samla kr 5.000.000,-.
5. Reduksjon i investeringsprosjekt nr 259, 261, 579, 556, og 656 grunna forseinka framdrift tilsaman kr 21.475.000. Sjå vedlegg for spesifikasjon per prosjekt.
6. Endring i finansiering slik:
Reduksjon i bruk av lån kr 13.730.000,-
Reduksjon i mva-refusjon kr 2.745.000,-

Kommunestyret - 64/2018

KS - behandling:

KS - samrøystes vedtak:

Kommunestyret tek økonomisk rapport per 2. tertial 2018 til orientering.

Kommunestyret vedtek følgjande endringar i budsjettet for 2018 slik:

Driftsrekneskapen:

1. Auke i inntekter frå Havbruksfondet kr 2,8 mill.
2. Auke i inntekter frå skatt og skatteutjamning kr 3,15 mill.
3. Auke utgiftsramma til tenestoområda delegert til rådmannen å fordele: kr 5.95 mill.

Investeringsrekneskapen:

4. Auke i investeringsprosjekt 789 Ny driftsstasjon:
Flytting av midlar frå 2019 til 2018, samla kr 5.000.000,-.
5. Reduksjon i investeringsprosjekt nr 259, 261, 579, 556, og 656 grunna forseinka framdrift tilsaman kr 21.475.000. Sjå vedlegg for spesifikasjon per prosjekt.
6. Endring i finansiering slik:
Reduksjon i bruk av lån kr 13.730.000,-
Reduksjon i mva-refusjon kr 2.745.000,-

Sakspapir

Saksbehandlar	Arkiv	ArkivsakID
Reidun Elin Johannessen	FA - B08	18/1562

Saksnr	Utvalg	Type	Dato
39/2018	Utval for levekår	PS	04.09.2018
65/2018	Kommunestyret	PS	31.10.2018
74/2018	Formannskapet	PS	29.08.2018
91/2018	Formannskapet	PS	17.10.2018

MOT sitt program "Robust ungdom"

Saksopplysningar:

Bakgrunn

MOT - programmet er vurdert som eit ledd i prosjektet «Trygt og godt skule- og oppvekstmiljø» (sak nummer 35/201). I prosjektmandatet er to av innsatsområda 1) Livsmestring og folkehelse og 2) Skape gode oppvekstmiljø saman. Lindås og Radøy brukar MOT i dag og det vert naturleg at Meland følgjer etter.

MOT er ein ungdoms- og samfunnsbyggjar som styrker ungdom til medvit og mot – til å leve, til å bry seg og til å si nei. MOT sitt viktigaste innsatsområde er MOT sitt program «Robust ungdom». MOT inngår i partnerskap med ungdomsskular, vidaregåande skular og kommunar. Programmet «Robust ungdom» består av 12 økter der målet er å utvikle robust ungdom, som inkluderer alle. MOT-øktene har varierende tema, men MOT sine verdiar er ein raud tråd gjennom heile programmet. Programmet vert gjennomført av spesielt rekrutterte menneskjer som er gode på å nå inn til ungdom. Det kan vere ein av skulen sine tilsette eller ein ressursperson i kommunen som har god relasjonskompetanse.

Kommunen er ein viktig bidragsyter og legg til rette for at ungdomsskulane i kommunen er med på MOT-programmet. Dersom minst halvparten av ungdomsskulane i kommunen er med på MOT-programmet, kan også kommunen vere med på «Kommunen som samfunnsbygger». Kommunen forpliktar seg då til å bidra til at ungdomsskulane har MOT-programmet Robust ungdom, dei får moglegheit til å «MOT-utdanne» to i kommunen, og ha ein årleg refleksjonsdag med MOT sentralt. Det vert tilrådd at kommunen brukar MOT som ein del av sin verdiplattform for å nå mål innanfor oppvekst og helse.

MOT sine verdiar:

- MOT – til å leve
- MOT – til å bry seg
- MOT – til å si nei

Vurdering

MOT er eit viktig bidrag i kommunen sitt arbeid for ungdom og tiltak mot mobbing på våre ungdomsskular. Ungdomsskulane i Lindås og Radøy har allereie inngått partnerskap med MOT, og det vert naturleg at Meland følgjer etter. Folkehelse og livsmeistring er ein av tre tverrfaglege tema i ny overordna del – verdier og prinsipp for grunnopplæringa. Programmet vil støtte opp om prosjektet «Trygt og godt skule- og oppvekstmiljø».

Folkehelse

MOT-programmet vert eit tiltak for å betre folkehelsa og livsmestring hos ungdom i kommunen.

Miljø

MOT-programmet er eit tiltak for å skape gode ungdomsmiljø og robuste ungdommar.

Økonomi

Det vert ein årleg kostand på kr. 60.000,-. Prosjekt «Trygt og godt skule- og oppvekstmiljø» vil dekke kostandene i 2019. I tillegg kjem det ein kostnader for vikarutgifter og annan kompensasjon for dei lærarane som skal ha opplæring og gjennomføre programmet i klassane. Desse kostnadene vert tatt opp i dei årlege budsjettprosessane.

Konklusjon

Framlegg til vedtak:

Kommunestyret godkjenner MOT inngår i partnerskap med Meland ungdomsskule og Rossland skule.

Formannskapet - 74/2018

FS - behandling:

Framlegg til vedtak frå Nils Marton Aadland, H:

Saka vert utsett.

Avrøysting:

Utsetjingsframlegget vart samrøystes vedteke.

FS – samrøystes vedtak:

Saka vert utsett.

Utval for levekår - 39/2018

ULK - behandling:

Skulefagleg rådgjevar Reidun E. johannessen orienterte.

ULK – samrøystes framlegg til vedtak:

Kommunestyret godkjenner MOT inngår i partnerskap med Meland ungdomsskule og Rossland skule.

Formannskapet - 91/2018

FS - behandling:

FS – samrøystes framlegg til vedtak:

Kommunestyret godkjenner MOT inngår i partnerskap med Meland ungdomsskule og Rossland skule.

Kommunestyret - 65/2018

KS - behandling:

KS - samrøystes vedtak:

Kommunestyret godkjenner MOT inngår i partnerskap med Meland ungdomsskule og Rossland skule.

Sakspapir

Saksbehandlar	Arkiv	ArkivsakID
Kari Anne Iversen	FE - 033, TI - &16	18/2504

Saksnr	Utvalg	Type	Dato
66/2018	Kommunestyret	PS	31.10.2018

Fritak frå politiske verv

Vedlegg:

Søknad om fritak frå politiske verv

Saksopplysningar:

Bakgrunn

Kommunen har 25.10.18 mottatt melding frå Charles Lindberg om at han per 01.12.18 flytter frå Meland kommune til Bergen kommune, og at han difor etter denne datoen ikkje lenger vil kunne utøve dei politiske verva han har.

Charles Lindberg er, som uavhengig representant, vara til kommunestyret og utval for levekår.

Vurdering

Ved registrert utflytting frå kommunen for 2 år eller mindre, trer den folkevalde ut av verva sine for den tida utflyttinga varer. Dette følgjer av kommunelova § 15 nr 1. Det vert i denne saka lagt til grunn at utflyttinga er av permanent karakter og at Charles Lindberg i praksis trer ut av vervet for resten av valperioden.

For vervet som vararepresentant til kommunestyret vil varamedlem frå same gruppe tre inn i den nummerorden som gjeld, jf. kommunelova § 16 nr 2.

For vervet som vara til ULK må det gjerast nyval, sjølv om det er vald varamedlem, jf. same paragraf, nr 3. Organet skal supplerast frå den same gruppa som den som trer ut tilhøyrde, dvs i den aktuelle saka partiet Venstre. Dersom kommunestyret vel opprykk frå Venstre si varaliste til ULK, må det veljast ny 2. varamedlem.

Folkehelse: Ikkje relevant i saka.

Miljø: Ikkje relevant i saka.

Økonomi: Ikkje relevant i saka.

Konklusjon

Kommunestyret må i samsvar med kommunelova godkjenne at Charles Lindberg trer ut av verva sine som folkevald i Meland kommune. Vidare må kommunestyret velje to nye varamedlemmer til ULK.

Framlegg til vedtak:

Kommunestyret godkjenner at Charles Lindberg trer ut av dei politiske verva sine med verknad frå 01.12.18. Det vert lagt til grunn at dette gjeld for resten av valperioden.

Som ny 1. varamedlem til ULK vert vald:.....

Som ny 2. varamedlem til ULK vert vald:.....

Kommunestyret - 66/2018**KS - behandling:****Framlegg til vedtak i møtet:**

Som ny 1. varamedlem til ULK vert vald Nina Åsebø Olsvoll.

KS - vedtak:

Kommunestyret godkjenner at Charles Lindberg trer ut av dei politiske verva sine med verknad frå 01.12.18. Det vert lagt til grunn at dette gjeld for resten av valperioden.

Som ny 1. varamedlem til ULK vert vald: Nina Åsebø Olsvoll

Sakspapir

Saksbehandlar	Arkiv	ArkivsakID
Øyvind H. Oddekalv	TI - &29, FA - H35	18/2495

Saksnr	Utvalg	Type	Dato
67/2018	Kommunestyret	PS	31.10.2018

Interpellasjon - Dagaktivitetstilbod til heimebuande personar med demens

Vedlegg:

Interpellasjon - dagaktivitet til heimebuande personar med demens

Interpellasjon frå Marit Samnøy Jøssang, KrF til møte i Meland kommunestyre 31.10.2018

Dagaktivitetstilbod til heimebuande personar med demens

Demens er ein av våre store folkehelseutfordringar, og er ein sjukdom som i særleg grad rammar eldre menneske. Sjukdomen er først og fremst ei utfordring for den enkelte som vert ramma av demens, men det får også store konsekvensar for kvardagen til dei pårørande.

Demensplan 2020 er regjeringa sin plan og tiltak for å betra det kommunale helse- og omsorgstenestetilbodet til personar med demens og deira pårørande. Eit av tiltaka i denne planen er å lovfesta kommunane si plikt til å tilby dagaktivitetstilbod til heimebuande personar med demens, gjeldande frå 1.januar 2020.

1.januar 2020 er Meland kommune historie, og me er ein del av Alver kommune. Meland kommune må likevel førebu seg på dei lovkrav som vert gjeldande frå starten av i Alver kommune.

Folketalsutviklinga i Meland viser at den eldre delen av befolkninga aukar sjølv om folkeveksten totalt er svært låg. Det betyr at me må rekna med at talet på personar med demens vil auka framover.

Kva aktivitetstilbod har Meland kommune i dag til heimebuande personar med demens?

Er dette godt nok med tanke på det varsla lovkravet frå 1. januar 2020?

I tilfelle nei på føregåande spørsmål:

Kva planar har Meland kommune for å førebu eit tilbod som er innanfor det varsla lovkravet frå 1. januar 2020?

Marit Samnøy Jøssang
KrF

Svar på interpellasjon frå Marit Jøssang (KrF) - Dagaktivitetstilbod til heimebuande personar med demens

Eg viser til mottatt interpellasjon frå Marit Jøssang (KrF), der representanten tar opp ei viktig problemstilling. Menneske med demens er ei veksande gruppe, både blant dei eldre, men og stadig yngre menneske får denne diagnosen. Det er og stor variasjon i korleis ein blir råka av sjukdomen, så derfor er dette ei gruppe som det må tenkjast nytt rundt, både når det gjeld buformer, men og aktivitetstilbod. Eg vil først gi ein status på tilbodet til heimebuande menneske med demens i Meland kommune.

Status teneste til heimebuande personar med demens

Tilbod til heimebuande personar med demenssjukdom skal m.a. stimulere til eigenmeistring tilpassa den einskilde sitt funksjonsnivå slik at ein kan bu heime så lenge som mogeleg kombinert med naudsynt avlastning for pårørande jamfør i [Rundskriv 1-5/2007 Aktiv omsorg – sentral del av et helhetlig omsorgstilbod](#), som kan finnast på [regjeringen.no](#).

Meland kommune har eit hukommelsesteam som arbeider med å kartlegge og tilrettelegge for personar med ein demenssjukdom eller begynnande kognitiv svikt. Teamet består av sjukepleiarar med vidareutdanning innan aldring og helse. Lege og ergoterapeut er også tilknytta teamet. Teamet er og tilknytta ei ressursgruppe, leia ut frå Olaviken alderspsykiatriske sjukehus.

Hukommelsesteam tilbyr:

- Utredning ved mistanke om demenssjukdom med samtale med pasient og pårørande.
- Vurdere behov for hjelp og bidra ved søknad om tenester i kommunen.
- Vurdere behov for hjelpemiddel som kan hjelpe på tryggleik i heimen og støtte opp om hukommelsen
- Sikre tryggleik i heimen, særleg med tanke på brann- og fallfare m.m.
- Rettleiing av pårørande og helsepersonell
- Ein kan kontakte hukommelsesteamet på telefon og e-post – [sjå brosjyre](#).

Heimetenesta har per august 2018 tenesteyting til:

- 23 heimebuande personar med demensdiagnose
- 12 heimebuande personar med kognitiv svikt evt. under utredning pga redusert hukommelse

Kva aktivitetstilbod har Meland kommune i dag til heimebuande personar med demens?

Meland kommune har til no ikkje etablert særskilt dagaktivitetstilbod til heimebuande personar med demens. Kommunen har eit generelt tilbod via dagsenter for heimebuande uavhengig diagnose eller funksjonsevne. Sjå meir informasjon på [heimesida til kommunen](#).

Kommunen kan søkje helesedirektoratet om tilskot til etablering og drift av dagaktivitetstilbod til heimebuande personar med demens. Tilskot i 2018 er 30 % (kr 75.000,-) per plass, og i 2019 er det forslag om auke til 50 % (kr 125.000,-) i tilskot per nye plass. For å få tilskot er det krav at brukarar av dagtilbodet skal ha demensdiagnose eller det skal planleggast for utgreiing av demens.

Etableringa av nye plassar for dagaktivitet heimebuande med demens har vore fremja i økonomiplanar i fleire år, no seinast i kommunestyret juni 2018. Tiltaket har til no ikkje vore prioritert i årlege budsjett.

Er dette godt nok med tanke på det varsla lovkravet frå 1. januar 2020?

Om Meland kommune skulle halde fram som eigen kommune etter 1.1.2020 er dagens drift (bemanning og kompetanse) av dagsentertilbod vurdert å ikkje vere tilstrekkeleg til å imøtekomme lovkrav frå 1.1.2020. Vidare vil lokale (kapasitet) vere for lite til å romme både heimebuande med demensdiagnose og andre noverande brukargrupper.

Kva planar har Meland kommune for å førebu eit tilbod som er innanfor det varsla lovkravet frå 1. januar 2020?

Meland, Radøy og Lindås vert Alver kommune frå 1.1.2020. I samband med kommunesamanslåinga er det starta fleire organisasjonsprosjekt der føremålet mellom anna er å samordne tenesteyting mellom dei tre eksisterande kommunane, samt å avklare rammer for prosjektet i planleggingsfasen fram til desember 2018. Desse vert styrte innan kvart hovudområde (helse- og omsorg osv.) og vidare per teneste (t.d. heimeteneste, sjukeheim o.l.).

Her vil ein mellom anna kunne kartlegge og vurdere driftsmodell, lokalisering og kapasitet for dagaktivitetstilbod for heimebuande personar med demens i Alver kommune frå 2020. Men for tida vil lova sine minimumskrav vere stetta frå 1.1.2020 i nye Alver kommune.

Så vil eg trekkje fram det flotte tilbodet Lindås kommune har for heimebuande demente i Alversund. Dette fekk regionrådet ein presentasjon av førre fredag. Her har vi eit kjempeflott tilbod som eg tenkjer vil vere ein god modell for korleis ein kan utvide tilbodet og til dei som i dag bur i Radøy og Meland. «Best practice» har vore eit omgrep som har vore brukt i kommunesamanslåinga, og det trur eg absolutt vi har i dette tilfellet.

Til slutt vil eg peike på kvifor ordføraren, og gjerne eit stort fleirtal i kommunestyret, stemte ja til å byggje nye Alver kommune. Noko av det viktigaste som vart peika på var evna til å byggje sterkare fagmiljø og kunne tilby betre tenester til innbyggjarane. Eg tenkjer at dette temaet er eit godt døme på at vi vil kunne tilby eit eit betre tilbod til innbyggjarane saman i Alver kommune enn det gjerne Meland kommune kunne tilbydd på eiga hand frå 1.1.2020.

Frekhaug, 31. oktober 2018

Øyvind H Oddekalv
ordførar

Sakspapir

Saksbehandlar	Arkiv	ArkivsakID
Øyvind H. Oddekalv	TI - &29	18/2493

Saksnr	Utvalg	Type	Dato
68/2018	Kommunestyret	PS	31.10.2018

Interpellasjon - Tolga-saken

Vedlegg:

Interpellasjon - Tolga-saken, har vi noen feildiagnostiseringer i Meland kommune

Saksopplysninger:

Bakgrunn

Interpellasjon frå Meland FrP v/Øyvind Bratshaug til møte i Meland kommunestyre 31.10.2018

Tolga- saken har opprørt hele Norge. Saken har vist hvordan enkeltmennesker blir lidende som følge av kommunenes urettmessige inngripen, og at menneskelig svikt i kommunen har medført umyndiggjøring av friske mennesker i strid med lov, forskrift og retningslinjer.

At personer i Norge kan bli erklært for å være psykisk utviklingshemmet uten at legen har møtt og undersøkt vedkommende person, er svært urovekkende og jeg vil forsikre meg om at dette ikke skjer i Meland kommune.

VG har kartlagt ti år med offentlig registrering av psykisk utviklingshemmede i norske kommuner. Kartleggingen viser at norske kommuner har økt antall registrerte psykisk utviklingshemmede med over tre tusen personer i denne perioden. Det er mer enn hva som forventes som følge av befolkningsøkningen. Noen kommuner har hatt en kraftig økning av antallet psykisk utviklingshemmede i perioden. Ekspertene påpeker at det ikke er grunn til å tro at antallet psykisk utviklingshemmede har økt i befolkningen. De mener det er mer sannsynlig at antallet har gått litt ned. Her kan selvsagt bedre diagnostiseringsverktøy spille inn, men tallene som avdekkes er faretruende høye.

Det er en reell fare for at flere mennesker i Norge har blitt utsatt for lignende maktovergrep fra offentlige myndigheter som det man ser i Tolga-saken. Jeg vil understreke viktigheten av at vi overholder de lover og retningslinjer som er nedfelt til vern av enkeltmennesker som befinner seg i slike sårbare situasjoner.

Regjeringen har tatt initiativ til iverksetting av en ekstern gjennomgang av saken. Dette er helt nødvendig. Samtidig har vi et lokalt ansvar for at mennesker i Meland kommune ikke har blitt eller blir utsatt for denne type maktovergrep.

Hva har ordfører gjort i kjølvannet av Tolga-saken for å kartlegge om noen i Meland kommune er feildiagnostisert og utsatt for samme type maktovergrep som i Tolga?
Vil ordfører ta initiativ til å kartlegge om dette også kan ha skjedd i Meland kommune, samt ta initiativ til å se på kommunens rutiner er tilstrekkelig gode for å sikre at ikke tilsvarende feil kan skje i fremtiden?

Øyvind Bratshaug
FrP

Kommunestyret - 68/2018

Svar på interpellasjon frå Øyvind Bratshaug (FrP) – Tolga-saken

Eg viser til innsendt interpellasjon frå Øyvind Bratshaug (FrP), der representanten spør om vi har feildiagnostiseringar i Meland, med bakgrunn i Tolga-saka. Tolga-saka er kort fortalt tre brør som feilaktig er blitt registrerte som psykisk utviklingshemma, og er sett under vergemål av fylkesmannen. Dette sannsynlegvis for å auke det statlege tilskotet til kommunen. Eg deler representanten Bratshaug si uro over dette, og er samd i at vi må forsikre oss at noko slikt ikkje finn stad i Meland kommune.

Representanten Bratshaug har to konkrete spørsmål til ordføraren, sjølv om eg oppfattar at spørsmåla går litt over i kvarandre. Det første er:

Hva har ordfører gjort i kjølvannet av Tolga-saken for å kartlegge om noen i Meland kommune er feildiagnostisert og utsatt for samme type maktovergrep som i Tolga?

Først vil eg peike på at det ikkje er ordføraren som skal «kartlegge» ulike forhold i kommunen, dette er rådmannen sitt ansvar. Etter at Tolga-saka vart kjend i media, tok eg direkte kontakt med rådmannen. Eg stilte spørsmål rundt korleis utviklinga av talet på psykisk utviklingshemma i Meland har vore, og om det var noko rundt tala og registreringane som er problematiske.

Svaret frå rådmannen oppfatta eg som tilfredsstillande. Talet på resistreingar har i den siste tiårsperioden variert mellom 25 og 28, ein heilt normal variasjon. Dette er den variasjonen ein har hatt med bakgrunn i dei kriteria som har vore gitt av Helsedirektoratet. Som sagt, oppfatta eg dette svaret som tilfredsstillande.

Vil ordfører ta initiativ til å kartlegge om dette også kan ha skjedd i Meland kommune, samt ta initiativ til å se på kommunens rutiner er tilstrekkelig gode for å sikre at ikke tilsvarende feil kan skje i fremtiden?

Eg oppfattar som første del av spørsmålet er meir eller mindre samanfallande med det første spørsmålet, så det interessante er gjerne å stille spørsmål om kommunen sine rutinar er gode nok. Slik eg får opplyst er alle som er registrerte i siste tiårsperiode diagnostisert i spesialisthelsetenesta, slik retningslinjene krev. Dette etter henvising frå fastlege, helsestasjonslege eller fødselslege, avhengig når ein ønskjer å få dette utgreidd.

Ein kontrollrutine er at alle rapporteringar er revisorgodkjende, der revisor har hatt tilgang til journal for kontroll. Dette er følgt i Meland kommune. I tillegg er alle 28 som er registrert i samband med kriteria gitt av Helsedirektoratet i 2017, og registrert i IPLOS-registeret. IPLOS-registeret er der kommunen registrerer alle ulike diagnosar.

Til slutt vil eg leggje til: om ein tar omsyn til folketal, så ligg Meland under gjennomsnittet for rapporteringar. T.d. ligg både Radøy og Lindås høgare enn Meland kommune. Summen av alle desse tilhøva gjer at ordførar ikkje har grunn til å tru at Meland kommune er i konflikt med rapporteringsreglane.

Frekhaug, 31. oktober 2018

Øyvind H Oddekav
ordførar

Grunngitt spørsmål til ordføreren.

Har Meland kommune som mål å få restbestanden av elvemusling i Mjåtveitvassdraget opp att til ein levekraftig bestand?

Om svaret er «JA»:

Kva mål og tidsplan har kommunen for å realisere dette? Kva tiltak er gjort? Kva tiltak planlegg ein? Kva ressursar, økonomisk og andre, har kommunen for å få til dette?

Om svaret er «NEI»:

Kva er grunngjevinga for det?

Grunngjeving og bakgrunn for spørsmålet:

Ei re-etablering av elvemuslingen har internasjonal verdi for denne prioriterte, raudlista arten, ein av dei verst utsette i verda, nærast utrydda i Europa. Noreg og Sverige er dei to landa som har fått verdsansvaret for arten! Det legg eit stort nasjonalt ansvar på fylke, kommune, grunneigarar og brukarar av vassdraget, og alle som bur nær Mjåtveitelva og sidebekkane. Elvemuslingen er truga også i dei fleste vassdraga kor han enno finnest i Sør-Noreg. Hordaland har fire av desse. Elvemuslingen i Mjåtveitelva er ein nasjonal skatt!

Sist vinter fekk reinesparken i Kloppedalsbekken, ein viktig sidebekk til Mjåtveitelva, store skader under hogst på begge sider av bekken. Dette var bakgrunnen for spørsmål frå Mjåtveitlvens foreining under spørjetimen i juni i år.

I svaret frå ordføreren om skadane på reinesparken vart det sagt at skadane skulle rettast opp av grunneigar før sommaren. Desse skadane er enno ikkje retta opp. Demninga i reinesparken fungerer no ikkje slik som planlagt. I svaret om tiltak for å få Mjåtveitvassdraget tilbake som berekraftig biotop for elvemuslingen, brukte ordføreren generelle vendingar om tiltak, uttrykk som «Mjåtveitelva er eit tema» og «vassdraget vert følgt opp», (spørsmål og svar sitert under, utheva skrift gjort av undertekna). Fredag 19. okt. vart heile Kloppedalsbekken og dermed Mjåtveitlvas nedre del utsett for ei ny potensielt øydeleggjande hending, utslepp av 1000 l vaskemiddel frå Mjåtveit næringspark. Begge hendingane viser kor viktig det er at kommunen har konkrete tiltak for å verne, forvalte og vidare oppgradere vassdraget.

Sitat frå ordføreren sitt svar i spørjetimen i juni:

1. Kva vil Meland Kommune no gjere for å sikre Mjåtveitvassdraget som framtidig berekraftig biotop for elvemusling?

Svar:

Mjåtveitelva og to sidevassdrag er i kommuneplanen sin arealdel sikra med ei omsynssone på 30 meter, 15 meter på kvar side målt frå midt i elva. I denne sona skal vassdraget skjermast mot alle inngrep, og i sona er tiltak berre tillate til stadbunden næring/landbruk. I planarbeid er *Mjåtveitelva eit tema* i dei sakene der planområdet er nært elva eller sidevassdrag. Vidare vert *vassdraget følgt opp* i samband med utbygging av bustad/næringsområde som har godkjente reguleringsplanar.

1. Korleis vil kommunen sikre Kloppedalsbekken som oppvekstbiotop for aure og muslingar?

Svar:

Kloppedalsbekken renn igjennom to område som er sett av til bustadbygging B8 og B9 i kommuneplanen sin arealdel, eit er under planlegging medan det andre har ein godkjent reguleringsplan. I samband med planarbeidet i B8 og B9 er Mjåtveitvassdraget inklusiv sidebekken *Kloppedalsbekken eit tema*. Kloppedalsbekken *vert følgd* opp som en del av prosessen med utbygging av område B5 i reguleringsplanen Mjåtveitmarka.

Med helsing,
Leif Johnsen, MDG i Meland

Svar på grunngjeve spørsmål frå Leif Johnsen (MDG) – elvemusling

Eg viser til grunngjeve spørsmål frå representanten Johnsen spør om Meland kommune har som mål å få restbestanden av elvemusling i Mjåtveitvassdraget opp att til ein levskraftig bestand. Avhengig av om svaret på dette er ja eller nei, blir det utløyst fleire spørsmål frå representanten.

Eg vil starte med å skryte, som eg og gjorde sist det vart stilt spørsmål om denne problemstillinga i juni, av det arbeidet frivillige gjer når det gjeld Mjåtveitvassdraget. Det har vore eit arbeid, som Fylkesmannen i Hordaland er ansvarleg for, med å setje ut igjen elvemusling i to sidevassdrag av Mjåtveitelva. Og det er Universitettet i Bergen som har stått for gjennomføringa. Meland kommune vart ikkje involvert eller rådspurt i dette konkrete arbeidet. Kva dei konkrete planane vidare er for dette statlege prosjektet kan ikkje kommunen svare på, sidan det er Fylkesmannen i Hordaland som driv dette prosjektet.

Når det gjeld skadane på fangdammane har Mjåtveit næringspark reparert skaden som var i treverket, og kommunen har fått melding om dette. Det blir hevda at det er skadar utover dette, og det blir no undersøkt av kommunen. Vi har samstundes vidaresend dette til Fylkesmannen i Hordaland, slik at dei kan vurdere om dette kan hindre eller påverke prosjektet med utsetting av elvemusling, og om det er naudsynt med utbetringar for å unngå påverknad.

Når det gjeld saka med utslepp i elva, blir dette følgd opp av teknisk avdeling i forhold til forureininga.

På generell basis vil eg seie at Meland kommune driv ordinær vassdragsforvaltning. Vi har ikkje midlar, eller bemanning til å t.d. drive oppfølgjing eller overvåking av elvemusling som er sett ut i vassdrag i kommunen. Eg vil og peike på at det er, så vidt eg kjenner til, ikkje gjort nokon vedtak i kommunestyret, eller for så vidt andre utval, som seier at kommunen har som mål å få opp att ein levskraftig bestand av elvemusling.

Frekhaug, 31. oktober 2018

Øyvind H Oddekalv
ordførar